

ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE

IZVJEŠTAJ O IZVRŠENJU FINANSIJSKOG PLANA
ZAVODA ZDRAVSTVENOG OSIGURANJA I REOSIGURANJA FEDERACIJE BOSNE I
HERCEGOVINE ZA 2019. GODINU (KONSOLIDOVANI)

Sarajevo, februar 2020. godine

SADRŽAJ

1. UVOD	1
2. PRIHODI FEDERALNOG ZAVODA OSIGURANJA I REOSIGURANJA	4
3. RASHODI FEDERALNOG ZAVODA OSIGURANJA I REOSIGURANJA.....	7
4. KAPITALNI IZDACI.....	12
5. OBAVEZNE REZERVE ZA ZDRAVSTVENU ZAŠTITU DETAŠIRANIH RADNIKA ..	13
6. FINANSIJSKI REZULTAT	13
7. BROJ I STRUKTURA ZAPOSLENIH.....	13
8. ZAKLJUČNA RAZMATRANJA	14

1. UVOD

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) je sačinio Izvještaj o izvršenju Finansijskog plana Federalnog zavoda osiguranja i reosiguranja za 2019. godinu (konsolidovani) u skladu sa odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16 i 5/18), Zakona o izvršavanju Budžeta Federacije Bosne i Hercegovine za 2019. godinu („Službene novine Federacije Bosne i Hercegovine“, broj: 11/19), Pravilnika o finansijskom izvještavanju i godišnjem obračunu budžeta-proračuna u Federaciji Bosne i Hercegovine („Službene novine Federacije Bosne i Hercegovine“, broj 69/14, 14/15, 4/16 i 19/18) i Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08 i 48/11).

U skladu sa Zakonom o zdravstvenom osiguranju i Statutom Federalnog zavoda, Federalni zavod, u okviru svoje registrovane djelatnosti, obavlja poslove:

- učešće u izradi Zakona u oblasti zdravstva, kao i drugih propisa i podzakonskih akata u vezi sa ostvarivanjem prava iz obaveznog zdravstvenog osiguranja;
- praćenje politike provođenja i unapređenja obaveznog zdravstvenog osiguranja i koordiniranje rada kantonalnih zavoda zdravstvenog osiguranja u tom domenu;
- planiranje i prikupljanje sredstava federalnog fonda solidarnosti i realizacije programa zdravstvene zaštite koji se finansiraju sredstvima federalne solidarnosti, saglasno Odluci o vertikalnim programima;
- obezbjeđenje prava osiguranika u okviru federalnog fonda solidarnosti u cilju ujednačavanja prava osiguranih lica na nivou Federacije BiH kod provođenja određenih programa zdravstvene zaštite;
- izradu međunarodnih ugovora o socijalnom osiguranju u dijelu koji se odnosi na obavezno zdravstveno osiguranje i provodi ih;
- koordiniranje rada kantonalnih zavoda zdravstvenog osiguranja u provođenju ovih ugovora i neposredno učestvovanje u međunarodnim dogovorima vezanim za ovu oblast,
- obavljanje poslova u vezi sa ostvarivanjem zdravstvene zaštite u inostranstvu za koje je ovlašten u skladu sa Zakonom o zdravstvenom osiguranju;
- osiguranje vođenja jedinstvenog informacionog sistema obaveznog zdravstvenog osiguranja;
- prikupljanje, analizu podataka i izradu obračuna ukupnih sredstava ostvarenih i utrošenih u zdravstvu Federacije Bosne i Hercegovine;
- izradu cijena zdravstvenih usluga iz osnova obaveznog zdravstvenog osiguranja;
- kao i druge poslove koji se odnose na rad federalnog fonda solidarnosti, a proizilaze iz zakona i drugih propisa te podzakonskih akata.

Izvještajem o izvršenju Finansijskog plana Federalnog zavoda prezentiraju se zbirni podaci o ukupno ostvarenim prihodima, po izvorima sredstava i rashodima po namjenama, te ostvarenom finansijskom rezultatu u 2019. godini.

Podaci o ostvarenim prihodima i rashodima za 2019. godinu prikazuju se uporedno sa podacima planiranim po Finansijskom planu za 2019. godinu i ostvarenim u 2018. godini.

Kao najznačajnije aktivnosti na osnovu kojih su, u 2019. godini, donesene odluke od strane Stručne službe Federalnog zavoda, Upravnog odbora Federalnog zavoda, Federalnog ministarstva zdravstva, a koje se odnose na rad i poslovanje Federalnog zavoda u 2019. godini, navodimo slijedeće.

Finansijski plan Federalnog zavoda za 2019. godinu, Odluka o privremenom finansiranju za period 01.01.-31.03.2019. godine, i Odluka o preraspodjeli rashoda u okviru Finansijskog plana Federalnog zavoda za 2019. godinu

Upravni odbor Federalnog zavoda je na sjednici održanoj 11.10.2018. godine donio Prijedlog Finansijskog plana Federalnog zavoda za 2019. godinu, i to:

-Odluku o usvajanju Finansijskog plana Federalnog zavoda (konsolidovani) za 2019. godinu, br.02/IV-01-1-3571-1/18,

-Odluku o usvajanju Finansijskog plana federalnog fonda solidarnosti za 2019. godinu, br.02/IV-01-1-3572-2/18), i

-Odluku o načinu izvršavanja Finansijskog plana Federalnog zavoda za 2019. godinu, br. 02/V-01-1-3574-3/18.

U Finansijski plan za 2019. godinu, pored planiranih prihoda za 2019. godinu, uključena su, na osnovu Odluke Upravnog odbora, br.02/V-01-1-3573-2/18 od 11.10.2018. godine, i sredstva akumuliranog viška prihoda nad rashodima iz ranijih perioda u iznosu od 5.000.000 KM sa ciljem smanjenja listi čekanja za liječenje oboljelih od Hepatitisa B i C, za liječenje oboljelih od multiple skleroze, za liječenje oboljelih od upalnih bolesti debelog crijeva (Chronove bolesti i ulceroznog kolitisa), kao i smanjenja listi čekanja za program kardiologije i kardiohirurgije.

Upravni odbor Federalnog zavoda je blagovremeno, a u skladu sa Zakonom o budžetima u Federaciji BiH, usvojio Finansijski plan za 2019. godinu, međutim, s obzirom da nije bilo izvjesno da li će ovaj dokument biti usvojen do kraja 2018. godine od strane zakonodavnih organa u Federaciji BiH, Upravni odbor je na sjednici od 20.12.2018. godine donio Odluku o privremenom finansiranju Federalnog zavoda za period 01.01.-31.03.2019. godine.

Na Finansijski plan Federalnog zavoda za 2019. godinu, Parlament Federacije BiH dao je saglasnost („Sl.novine Federacije BiH“, br. 11/19 od 20.02.2019. godine).

Upravni odbor Federalnog zavoda donio je na sjednici održanoj 27.02.2019. godine, na osnovu čl.59 Zakona o budžetima u Federaciji BiH i čl.11 Odluke o načinu izvršavanja Finansijskog plana za 2019. godinu, Odluku o preraspodjeli rashoda u okviru postojećeg Finansijskog plana za 2019. godinu, br. 02/IV-01-705-1/19.

Rebalans Finansijskog plana Federalnog zavoda za 2019. godinu i Odluka o preraspodjeli rashoda u okviru Finansijskog plana Federalnog zavoda za 2019. godinu

Na osnovu podataka o ostvarenju prihoda od doprinosa za obavezno zdravstveno osiguranje u Federaciji BiH u periodu I-III 2019. godine, uočen je, najvećim dijelom, značajniji i kontinuirani rast ovih prihoda, kao i, određenim dijelom, prihoda od doprinosa od ino-osiguranika (paušali), posmatrano u odnosu na planirane po Finansijskom planu za 2019. godinu, Stručna služba Federalnog zavoda sačinila je prijedlog Izmjena i dopuna Finansijskog plana za 2019. godinu koji je Upravni odbor Federalnog zavoda usvojio na sjednici održanoj 23.04.2019. godine donošenjem, i to:

-Odluke o usvajanju Izmjena i dopuna Finansijskog plana Federalnog zavoda (Rebalans - konsolidovani) za 2019. godinu, br.02/IV-01-1-1576-1/19,

-Odluke o usvajanju Izmjena i dopuna Finansijskog plana federalnog fonda solidarnosti za 2019. godinu (Rebalans), br.02/IV-01-1-1577-1/19), i

-Odluke o načinu izvršavanja Rebalansa finansijskog plana Federalnog zavoda za 2019. godinu, br. 02/V-01-1-1574-1/19.

Rebalansom Finansijskog plana za 2019. godinu planirana su i sredstva po osnovu akumuliranog viška prihoda nad rashodima iz ranijih perioda u iznosu od 26.019.893 KM, a koja su se sastojala od:

- sredstava planiranih Finansijskim planom za 2019. godinu, po osnovu Odluke Upravnog odbora, br.02/V-01-1-3573-2/18 od 11.10.2018. godine, u ukupnom iznosu od 5 mil. KM sa ciljem smanjenja listi čekanja za liječenje oboljelih od Hepatitisa B i C, za liječenje oboljelih od multiple skleroze, za liječenje oboljelih od upalnih bolesti debelog crijeva (Chronove bolesti i ulceroznog kolitisa), kao i smanjenja listi čekanja za program kardiologije i kardiohirurgije
- neutrošenih sredstava u 2018. godini za liječenje metastatskog melanoma u iznosu od 762.893 KM, i neutrošenih sredstava za kapitalne izdatke u 2018. godini u iznosu od 23.188 KM koja su, na osnovu Odluke Upravnog odbora, br. 02/V-01-1-719-1/19 od 27.02.2019. godine, prenešena u 2019. godinu, i
- sredstava po osnovu akumuliranog viška prihoda nad rashodima u ranijim periodima u iznosu od 20.233.812 KM.

Na Izmjene i dopune Finansijskog plana Federalnog zavoda za 2019. godinu, Parlament Federacije BiH dao je saglasnost („Sl.novine Federacije BiH“, br. 54/19 od 31.07.2019. godine).

Upravni odbor Federalnog zavoda je na sjednici održanoj 26.11.2019. godine, a na osnovu čl.59 Zakona o budžetima u Federaciji BiH i čl.12 st.2 Odluke o načinu izvršavanja Finansijskog plana za 2019. godinu, donio Odluku o preraspodjeli rashoda u okviru postojećeg Finansijskog plana za 2019. godinu, br. 02/IV-01-1-415-1/19.

Pravilnik o dopuni Pravilnika o načinu ostvarivanja prava iz obaveznog zdravstvenog osiguranja

U 2019. godini Federalno ministarstvo zdravstva donijelo je Pravilnik o dopuni Pravilnika o načinu ostvarivanja prava iz obaveznog zdravstvenog osiguranja („Sl.novine Federacije BiH, br.20/19). Ovim Pravilnikom utvrđuju se uslovi pod kojim osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja.

Stavom 3 iz člana 38a Pravilnika definisano je da se općim aktima zavoda zdravstvenog osiguranja utvrđuju kriteriji, način i postupak sufinansiranja prava kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u kalendarskoj godini. U skladu sa ovim, Upravni odbor Federalnog zavoda je na sjednici održanoj 23.04.2019. godine donio Odluku o procentualnom iznosu sredstava u okviru Rebalansa finansijskog plana za 2019. godinu za sufinansiranje zdravstvenih usluga i nabavke lijekova, br. 02/IV-01-1-1571-1/19.

Navedenom odlukom Upravnog odbora Federalnog zavoda utvrđeno je izdvajanje sredstava u Rebalansu finansijskog plana Federalnog zavoda za 2019. godinu za sufinansiranje zdravstvenih usluga i nabavke lijekove u visini maksimalno do 1% ukupno planiranih prihoda od doprinosa.

Odluka o Listi lijekova fonda solidarnosti Federacije BiH

U toku 2019. godine Federalno ministarstvo zdravstvo donijelo je novu Odluku o listi lijekova fonda solidarnosti Federacije BiH („Sl.novine Federacije BiH“, br.47/19) kojom prestaju da važe ranije odluke o Listi lijekova fonda solidarnosti Federacije BiH, kao i Odluku o izmjenama i dopunama odluke o listi lijekova fonda solidarnosti Federacije BiH („Sl.novine Federacije BiH“, br.90/19).

Podaci o izvršenju Finansijskog plana Federalnog zavoda za 2019. godinu iskazani su u tabelarnim pregledima po ekonomskoj klasifikaciji propisanoj od strane Federalnog ministarstva finansija.

2. PRIHODI FEDERALNOG ZAVODA OSIGURANJA I REOSIGURANJA

Ukupni raspoloživi prihodi Federalnog zavoda u 2019. godini ostvareni su u iznosu od 186.545.476 KM. Prihodi su ostvareni iz slijedećih izvora:

- doprinosa za obavezno zdravstveno osiguranje osiguranih lica u Federaciji BiH;
- doprinosa za zdravstvenu zaštitu ino-osiguranika (paušali);
- dodatnog doprinosa za zdravstvenu zaštitu detaširanih radnika;
- sredstava iz Budžeta Federacije BiH;
- ostalih prihoda.

Pregled prihoda po izvorima sredstava ostvarenih u 2019. godini, planiranih i ostvarenih u 2018. godini dat je u Tabeli 1.

Tabela 1.

R. br.	Stavka	Ostvareno 2018.	Plan 2019.	Ostvareno 2019.	Ind (5/3)	Ind (5/4)
1	2	3	4	5	6	7
	Doprinos za socijalnu zaštitu	144.756.267	150.908.000	154.695.929	107	103
1.	Prihodi od doprinosa	144.756.267	150.908.000	154.695.929	107	103
1.1.	Prihodi od doprinosa za obavezno zdravstveno osiguranje u FBiH	138.921.903	147.000.000	149.056.882	107	101
1.2.	Prihodi od doprinosa od ino osiguranika (paušali)	4.607.507	2.708.000	4.391.207	95	162
1.3.	Prihodi od dodatnog doprinosa za detaširane radnike	1.226.857	1.200.000	1.247.840	102	104
	Prihodi od poduzetničkih aktivnosti, imovine i pozitivnih kursnih razlika	488.147	6.000	999.073	205	
2.	Ostali prihodi od imovine	488.147	6.000	999.072	205	
2.1.	Prihodi od naplate napitaka u čajnoj kuhinji zavoda	3.102	6.000	2.328	75	39
2.2.	Prihodi od kamata					
2.3.	Ostali prihodi	485.045		996.745	205	
	Naknade i pristojbe i prihodi od pružanja javnih usluga	117.029	14.000	282.729	242	
3.	Neplanirani prihodi	117.029	14.000	282.729	242	
3.1.	Uplate po osnovu refundacije bolovanja iz ranijih godina			3.010		
3.2.	Ostali neplanirani prihodi	0	14.000			
3.3.	Prihodi po osnovu pruženih usluga dijalize ino-osiguranicima	31.193		197.498		
3.5.	Prihodi od garancija	11.795		1.481	13	
3.6.	Prihodi od manjkova lijekova u zdravstvenim ustanovama	74.041		80.740	109	
	Primljeni tekući transferi od ostalih nivoa vlasti	30.333.325	30.500.000	30.500.000	101	100
4.	Prihodi iz Budžeta Federacije BiH	27.999.990	30.500.000	30.500.000	109	100
4.1.	Primljeni tekući transferi od Budžeta FBiH za fond solidarnosti	25.999.995	28.500.000	28.500.000	110	100
4.2.	Primljeni tekući transferi od Budžeta FBiH za liječenje povratnika u RS	1.999.995	2.000.000	2.000.000	100	100
	Ostale uplate iz Budžeta FBiH-ukupno	2.333.335	0	0		
4.3.	Uplata iz Budžeta FBiH za prethodnu godinu	2.333.335	0	0		
5.	Donacije	666.970	0	765.365	115	
5.1.	Donacije-lijekovi	666.970	0	765.365	115	
	Ukupno prihodi	176.361.738	181.428.000	187.243.096	106	103
	Izdvojena sredstva iz detašmana za sredstva rezervi detašmana	127.818	120.000	124.784	98	104
	Povrat ili pretplata sredstava detašmana	539.613	0	572.836	106	
	Ukupno raspoloživi prihodi	175.694.306	181.308.000	186.545.476	106	103
	IZDVOJENA SREDSTVA NA TERET IZVORA SREDSTAVA PO ODLUKAMA U.O.	4.899.000	26.019.893	6.921.634	141	27
	UKUPNO RASPOLOŽIVA SREDSTVA	180.593.306	207.327.893	193.467.109	107	93

U nastavku izvještaja data su kratka obrazloženja za prihode Federalnog zavoda ostvarene u periodu I-XII 2019. godine.

Prihode od doprinosa čine:

- prihodi od doprinosa za obavezno zdravstveno osiguranje u Federaciji BiH,
- prihodi od doprinosa od ino osiguranika (paušali),
- prihodi od posebnog dodatnog doprinosa za zdravstveno osiguranje detaširanih radnika u inostranstvu.

U periodu I-XII 2019. godine ukupno ostvareni prihodi od doprinosa iznosili su 154.695.929 KM. Ovi prihodi sastoje se od:

- prihoda po osnovu doprinosa za obavezno zdravstveno osiguranje u Federaciji BiH, u iznosu od 149.056.882 KM,
- prihoda od doprinosa ino osiguranika (paušali), po međunarodnim konvencijama, u iznosu od 4.391.207 KM, i
- prihoda od dodatnog doprinosa za detaširane radnike u iznosu od 1.247.840 KM.

Ukupno ostvareni prihodi od doprinosa u 2019. godini veći su za 7% ili 9,93 mil. KM od ostvarenih u 2018. godini, a u odnosu na planirane za 2019. godinu veći su za 3% ili 3,78 mil. KM. Trend povećanja prihoda od doprinosa za obavezno zdravstveno osiguranje u Federaciji BiH iz perioda 2015.-2018. godina nastavio se i u 2019. godini.

Ostvareni prihodi od doprinosa ino-osiguranika u 2019. godini veći su za 1.683.207 KM u odnosu na planirane za 2019. godinu. Povećanje ovih prihoda iznad visine planiranih rezultat je uplata iz ranijih godina od R Slovenije izvršenih u mjesecu decembru 2019. godine, a koje se nisu mogle predvidjeti prilikom izrade Finansijskog plana za 2019. godinu.

Prihodi od doprinosa za zdravstvenu zaštitu radnika na privremenom radu u inostranstvu (u daljem tekstu: detaširani radnici) ostvaruju se saglasno Odluci o utvrđivanju posebnog doprinosa za zdravstveno osiguranje zaposlenika na radu u inostranstvu ("Sl.novine Federacije BiH", broj 74/08, od 24.11.2008. godine). Saglasno navedenoj odluci, od ukupnog iznosa naplaćenih sredstava od doprinosa za zdravstvenu zaštitu detaširanih radnika u prihode se uključuju sredstva u visini iskazanih rashoda za zdravstvenu zaštitu detaširanih radnika, 3% za rad Stručne službe Federalnog zavoda osiguranja i reosiguranja i 10% za obavezne rezerve koje služe za izmirenje obaveza po fakturama koje se ispostavljaju sa zakašnjenjem. Preostala naplaćena sredstva se vraćaju poslodavcima ili se uz saglasnost poslodavaca tretiraju kao akontativna uplata za narednu godinu.

Ukupno naplaćena sredstva po osnovu doprinosa za zdravstvenu zaštitu radnika na privremenom radu u inostranstvu u 2019. godini iznosila su 1.247.840 KM.

Od ukupnog iznosa naplaćenih sredstava od poslodavca po osnovu ovog doprinosa, u prihode Federalnog zavoda zdravstvenog osiguranja i reosiguranja izdvojena su sredstva u ukupnom iznosu od 675.004 KM, od čega za:

- finansiranje zdravstvene zaštite detaširanih radnika u inostranstvu u iznosu od 512.785 KM;
- obavezne rezerve detaširanih radnika u iznosu od 124.784 KM, koja su namijenjena za pokriće eventualnih troškova zdravstvene zaštite detaširanih radnika, za koje se sa zakašnjenjem ispostavljaju fakture, a što je izdvojeno Odlukom Upravnog odbora, br. 01/II-01-1-316/20 od 29.01.2020. godine;
- za sufinansiranje Stručne službe za 2019. godinu u iznosu 37.435 KM, što je izdvojeno Odlukom Upravnog odbora, br. 01/II-01-1-316/20 od 29.01.2020. godine.

Preostala sredstva u iznosu od 572.836 KM iskazuju se kao sredstva za povrat odnosno pretplatu poslodavcima, a u skladu sa Odlukom Upravnog odbora, br. 01/II-01-1-316/20 od 29.01.2020. godine.

Prihodi iz Budžeta Federacije BiH

Doznačena sredstva po osnovu transfera iz Budžeta Federacije BiH u 2019. godini su iznosila 30.500.000 KM, od čega za federalni fond solidarnosti 28.500.000 KM i za liječenje povratnika iz Federacije BiH u R Srpsku 2.000.000 KM. Ova sredstva su ostvarena u iznosu planiranom po Finansijskom planu Federalnog zavoda za 2019. godinu.

Međutim, potrebno je naglasiti da su prihodi iz Budžeta Federacije BiH u 2019. godini, a koji se odnose na sredstva tekućih transfera, kao i u prethodnim godinama, znatno manji od iznosa sredstava koja bi se po Zakonu o zdravstvenom osiguranju trebala izdvajati za federalni fond solidarnosti. Zakonom o zdravstvenom osiguranju propisana je obaveza da se iz Budžeta Federacije BiH za federalni fond solidarnosti izdvajaju sredstva u visini sredstava koja se ostvaruju iz doprinosa za obavezno zdravstveno osiguranje. Saglasno ovoj zakonskoj odredbi, iz Budžeta Federacije BiH bi u 2019. godini trebalo izdvojiti za federalni fond solidarnosti sredstva u iznosu od cca 149 miliona KM, dakle u visini prihoda ostvarenih od doprinosa za obavezno zdravstveno osiguranje u Federaciji BiH, a Budžetom Federacije BiH za federalni fond solidarnosti u 2019. godini odobreno je tek 20,46% od zakonom propisanog iznosa.

Također, Finansijskim planom Federalnog zavoda za 2019. godinu planirana su, kao i Budžetom Federacije BiH za 2019. godinu odobrena sredstva na ime pokrića dijela gubitka Federalnog zavoda iz 2013. godine, u iznosu od 2.486.141 KM koja su doznačena u toku 2019. godini i raspoređena na pokriće dijela gubitka iz 2013. godine.

Ostali prihodi ostvareni su u ukupnom iznosu od 2.047.167 KM, i sastoje se od:

-ostalih prihoda od imovine u iznosu od 999.073 KM, od čega se 996.745 KM odnosi na odobreni finansijski rabat od strane dobavljača-isporučioaca lijekova (lijekovi za liječenje oboljelih od multiple skleroze, lijekova za liječenje tuberkuloze i melanom), a iznos od 2.328 KM se odnosi na prihod po osnovu rada čajne kuhinje u Federalnom zavodu,

-naknade i pristojbe i prihodi od pružanja javnih usluga u iznosu od 282.729 KM, od čega se 197.498 KM odnosi na prihode na izvršene usluge dijalize ino osiguranicima, 3.010 KM po osnovu uplate refundacije bolovanja iz ranijih godina, zatim od naplaćene garancije po osnovu neizvršenja ugovora od strane dobavljača-isporučioaca lijekova u iznosu od 1.481 KM, te naplaćena sredstva od zdravstvenih ustanova za iskazane manjkove lijekova po popisu na dan 31.12.2019. godine, u iznosu od 80.740 KM,

-prihodi od donacija u iznosu od 765.365 KM a odnose se na donacije lijekova od strane dobavljača-isporučioaca lijekova, i to citostatika u iznosu od 412.974 KM, lijekova za liječenje oboljelih od Hepatitisa B i C u iznosu od 4.359 KM, lijekova za liječenje oboljelih od multiple skleroze u iznosu od 238.101 KM i lijekova za liječenje Chronove bolesti i ulceroznog kolitisa u iznosu od 109.931 KM.

3. RASHODI FEDERALNOG ZAVODA OSIGURANJA I REOSIGURANJA

Ukupni rashodi Federalnog zavoda u 2019. godini iznosili su 193.467.109 KM i manji su u odnosu na planirane za 2019. godinu za 6% ili 11,85 mil. KM, a posmatrano u odnosu na 2018. godinu veći su za 22% ili 35,1 mil. KM.

Izvršenje finansijskog plana rashoda iskazano je po namjenama, prema ekonomskoj klasifikaciji propisanoj Kontnim planom za budžetske korisnike, a koji se primjenjuje i na vanbudžetske fondove. Rashodi Federalnog zavoda iskazani su zbirno u Tabeli 2 koja slijedi.

Tabela 2.

Konto	Stavka	Ostvareno 2018.	Plan 2019.	Ostvareno 2019.	Ind (5/3)	Ind (5/4)
1	2	3	4	5	6	7
	Plate naknade i troškovi zaposlenih	1.851.150	2.157.000	2.026.568	109	94
6111	Bruto plaće i naknade plate	1.707.554	1.964.000	1.865.694	109	95
6112	Naknade troškova zaposlenih	143.596	193.000	160.874	112	83
	Doprinosi poslodavca i ostali doprinosi	179.679	211.000	201.047	112	95
6121	Doprinosi poslodavca	179.679	211.000	201.047	112	95
	Izdaci za materijal i usluge	156.298.692	202.949.893	190.464.857	122	94
6131	Putni troškovi	34.516	45.000	42.747	124	95
6132	Izdaci za energiju	41.296	45.000	41.838	101	93
6133	Izdaci za komunikaciju i komunalne usluge	64.832	73.000	74.232	114	102
6134	Nabavka materijala i sitnog inventara	83.066.754	104.782.000	100.931.184	122	96
	Administrativni materijal	40.987	62.000	35.636	87	57
	Medicinski potrošni materijal	15.607.511	17.300.000	16.678.052	107	96
	Lijekovi	67.418.256	87.420.000	84.217.496	125	96
6135	Izdaci za usluge prijevoza i gorivo	1.362.364	2.012.000	1.752.574	129	87
61351	Usluge prijevoza, registracija i gorivo Str.sluzbe	8.391	12.000	8.936	106	74
61352	Prijevoz na hemodijalizu	1.353.973	2.000.000	1.743.638	129	87
6137	Izdaci za tekuće održavanje	17.042	25.000	18.923	111	76
6138	Izdaci osiguranja, bankarskih usluga i usluga platnog prometa	49.154	43.000	38.145	78	89
6139	Ugovorene i druge posebne usluge	71.662.734	95.924.893	87.565.212	122	91
	Izdaci za stručnu službu	154.737	265.000	188.498	122	71
	Ostale nespomenute usluge i dadžbine	230.084	232.000	168.891	73	73
	Zdravstvene usluge u Federaciji BiH	57.049.815	75.633.893	71.332.527	125	94
	Usluge liječenja u inostranstvu	13.766.638	17.750.000	15.362.513	112	87
	Usluge liječenja detaširanih radnika	461.460	1.044.000	512.785	111	49
	Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz ob.zdr.osiguranja		1.000.000	774.635		77
	UKUPNO TEKUĆI RASHODI	158.329.521	205.317.893	193.467.107	122	94
	Kapitalni izdaci	0	180.000	19.365		11
	Tekuća rezerva		1.830.000	0		
	UKUPNO RASHODI, KAP.ULAGANJA I TEKUĆA REZERVA	158.329.521	207.327.893	193.486.472	122	93
	FINANSIJSKI REZULTAT	17.364.785	0	-6.921.631		
	POKRIVENO NA TERET IZVORA SREDSTAVA PO ODLUKAMA U.O.	3.509.644	26.019.893	6.921.631	197	27

U nastavku izvještaja daju se kratka obrazloženja za rashode Federalnog zavoda osiguranja i reosiguranja izvršene u periodu I-XII 2019. godine.

Bruto plaće i naknade zaposlenih

Troškovi bruto plaća i naknada (neto plaća, porez na plaću, doprinosi iz plaće zaposlenog) u Stručnoj službi, u 2019. godini iznosili su ukupno 1.865.694 KM i manji su od planiranih za 5% ili 98.306 KM.

Rebalansom finansijskog plana za 2019. godinu planiran je prijem pet novih uposlenika (3 VSS i 2 SSS) u odnosu na 2018. godinu.

Do povećanja kadrova sa VSS (njih 3) u 2019. godini došlo je usljed okončanja konkursne procedure na imenovanju menadžmenta zavoda (zamjenice direktorice), kao i zbog prijema 1 VSS uposlenika po osnovu prethodnog okončanog konkursa, dok se treći uposlenik sa VSS nalazi na programu sufinansiranja sa Zavod za zapošljavanje.

Do povećanja kadrova SSS u 2019. godini došlo je iz razloga što je, nakon okončanja programa sufinansiranja od Zavoda za zapošljavanje, a zbog obima posla i potreba Federalnog zavoda, isti prijemljen na određeno vrijeme.

Naknade troškova zaposlenih

Naknade troškova zaposlenih u 2019. godini iznosile su ukupno 160.874 KM i manje su za 17% ili 32.126 KM od planiranih za 2019. godinu iz razloga navedenih kod obrazloženja bruto plata, te jer su pojedini uposlenici su bili na bolovanju zbog čega su, u odnosu na planirane za 2019. godinu, manje isplaćene naknade za topli obrok.

Također, manje su izvršeni troškovi na ime pomoći u slučaju smrti i invaliditeta i ostale pomoći a koje su isplaćivane u skladu sa normativnim aktima Zavoda.

Doprinosi poslodavca i ostali doprinosi

Doprinosi poslodavca i ostali doprinosi u 2019. godini su iznosili 201.047 KM i manji su od planiranih za 5% ili 9.953 KM.

Putni troškovi

Izdaci za putne troškove u 2019. godini iznosili su 42.747 KM i manji su za 5% ili 2.253 KM u odnosu na planirane za 2019. godinu.

Izdaci za energiju u koje spadaju troškovi električne energije i grijanja, u 2019. godini iznosili su 41.838 KM i manji su za 3.162 KM ili 7% u odnosu na planirane za 2019. godinu.

Izdaci za komunikaciju i komunalne usluge se odnose na izdatke za vodu, odvoz smeća, održavanje čistoće, PTT usluge, izdatke za telefon, telefax, telex, internet i mobilni telefon. Ovi izdaci u 2019. godini iznosili su 74.232 KM i veći su za 2% ili 1.232 KM od planiranih za 2019. godinu.

Nabavka materijala

Izdaci za nabavku materijala evidentirani na kontu 613400 obuhvataju izdatke za nabavku:

- administrativnog materijala,
- medicinskog materijala i
- lijekova.

Troškovi nabavke administrativnog materijala u 2019. godini iznosili su 35.636 KM i manji su za 26.364 KM ili 43% u odnosu na planirane, a u odnosu na izvršene u 2018. godini manji su za 13% ili 5.351 KM. Ovi troškovi obuhvataju troškove kancelarijskog materijala, ostale troškove potrošnog materijala, vezane za rad Stručne službe.

Troškovi medicinskog materijala u 2019. godini iznosili su 16.678.052 KM i manji su za 4% ili 621.948 KM od planiranih za 2019. godinu. Ovi troškovi obuhvataju troškove potrošnog dijaliznog materijala u iznosu od 16.434.721 KM i troškove aparata i trakica za kontrolu šećera u krvi kod djece u iznosu od 243.331 KM. Ovi rashodi su iskazani u okviru rashoda federalnog fonda solidarnosti u dijelu koji se odnosi na lijekove i medicinska sredstva.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2019. godinu (Anex I).

Troškovi lijekova u 2019. godini iznosili su 84.217.496 KM i manji su za 4% ili 3,2 mil. KM u odnosu na planirane za 2019. godinu, a u odnosu na izvršene u 2018. godini veći su za 25% ili 16,79 mil. KM. Ovi troškovi obuhvataju sve lijekove iz programa federalnog fonda solidarnosti, a saglasno Programu zdravstvene zaštite koji se finansira sredstvima federalnog fonda solidarnosti.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2019. godinu (Anex I).

Izdaci za usluge prijevoza i gorivo

Izdaci za usluge prijevoza i gorivo u 2019. godini iznosili su 1.752.574 KM i manji su za 13% ili 259.426 KM od planiranih za 2019. godinu zbog manjeg izvršenja izdataka za prijevoz pacijenata na dijalizu. Ovi izdaci se odnose na:

-izdatke za nabavku goriva za službene automobile u iznosu od 8.936 KM što je za 26% ili 3.064 KM manje od planiranih, i

-izdatke za prijevoz pacijenata na dijalizu u iznosu od 1.743.638 KM što je za 13% ili 256.362 KM manje od planiranih.

Izdaci za prijevoz pacijenata na dijalizu iskazani su u okviru rashoda federalnog fonda solidarnosti u dijelu koji se odnosi na pružanje zdravstvenih usluga u Federaciji BiH, a što je detaljnije obrazloženo u Izvještaju o izvršenju finansijskog plana federalnog fonda solidarnosti za 2019. godinu (Anex I).

Tekuće održavanje

Izdaci za tekuće održavanje u 2019. godini iznosili su 18.923 KM i manji su za 6.077 KM u odnosu na planirane za 2019. godinu.

Osiguranje i bankarske usluge

Ukupni troškovi osiguranja i bankarskih usluga u 2019. godini su iznosili 38.145 KM i manji su za 11% ili 4.855 KM u odnosu na planirane za 2019. godinu.

Saglasno Odluci o kriterijima i načinu korištenja sredstava federalnog fonda solidarnosti, iznos od 20.539 KM raspoređen je na ostale rashode u funkciji provođenja programa federalnog fonda solidarnosti, s obzirom da se najveći dio platnog prometa preko banaka vrši sredstvima federalnog fonda solidarnosti.

Izdaci osiguranja i bankarske usluge u 2019. godini iznosili su 17.606 KM, od čega se na troškove bankarskih usluga odnosi 13.693 KM, a preostali iznos od 3.913 KM na troškove osiguranja zaposlenih i vozila. Izdaci za osiguranje i bankarske usluge su manji od

planiranih za 2019. godinu za 4.394 KM zbog manjeg izvršenja troškova osiguranja i zaposlenih u odnosu na planirane.

Ugovorene i druge posebne usluge

Izdaci za ugovorene i druge posebne usluge u 2019. godini iznosili su ukupno 87.565.212 KM i manji su za 9% ili 8,35 mil. KM u odnosu na planirane za 2019. godinu, a u odnosu na izvršene u 2018. godini veći su za 22% ili 15,6 mil. KM. Ovi izdaci obuhvataju:

- izdatke za Stručnu službu,
- ostale nespomenute usluge i dažbine i
- zdravstvene usluge (u Federaciji BiH, usluge liječenja u inostranstvu, te usluge liječenja detaširanih radnika).

Izdaci vezani za rad Stručne službe u 2019. godini iznosili su 188.498 KM i manji su za 29% ili 76.502 KM od planiranih za 2019. godinu. Izdaci vezani za rad Stručne službe odnose se na usluge obezbjeđenja i zaštite poslovne zgrade Federalnog zavoda osiguranja i reosiguranja, advokatske i ostale usluge, reprezentaciju, sistematske preglede zaposlenih, naknade članovima Upravnog odbora i dr.

Naknade su isplaćivane saglasno Odluci Vlade Federacije BiH, o visini naknade za rad predsjednika i članova upravnih i nadzornih odbora zdravstvenih ustanova u vlasništvu Federacije BiH, odnosno jednog ili više kantona i Federacije BiH, zajedno. Navedenom odlukom visina naknada za predsjednika i članove upravnog odbora je limitirana na iznos od prosječne plaće Federacije BiH za predsjednika i 80% od prosječne plaće Federacije BiH za članove upravnog odbora, a isplata se vrši samo za one mjesece u kojima predsjednik i članovi Upravnog odbora učestvuju u radu Upravnog odbora.

Izdaci za ostale nespomenute usluge i dažbine odnose se na ostale troškove u funkciji provođenja programa federalnog fonda solidarnosti, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl. novine Federacije BiH“, br. 22/02). Troškovi ovih usluga u 2019. godini iznosili su 168.891 KM i manji su za 27% ili 63.109 KM od planiranih za 2019. godinu.

Troškovi zdravstvenih usluga u 2019. godini iznosili su 87.207.825 KM i odnose se na:

- zdravstvene usluge pružene u zdravstvenim ustanovama u Federaciji BiH u iznosu od 71.332.527 KM,
- zdravstvene usluge bolničkog liječenja u inostranstvu u skladu sa Pravilnikom o uslovima i postupku upućivanja osiguranih lica na liječenje u inostranstvo, u iznosu od 15.362.513 KM,
- zdravstvenu zaštitu detaširanih radnika, u iznosu od 512.785 KM.

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Izvještaju o izvršenju finansijskog plana federalnog fonda solidarnosti za 2019. godinu (Anex I).

Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja

Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja („Sl. novine Federacije BiH“, br.20/19) koje je u 2019. godini donijelo Federalno ministarstvo zdravstva utvrđuju se uslovi pod kojim osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja.

Po ovom osnovu je u okviru Finansijskog plana zavoda zdravstvenog osiguranja i reosiguranja za 2019. godinu, planirano 1.000.000 KM, a u periodu I-XII 2019. godine izvršeno je troškova u ukupnom iznosu od 774.635 KM.

Detaljnija obrazloženja data su u Izvještaju o izvršenju Finansijskog plana federalnog fonda solidarnosti za 2019. godinu (Anex I).

Tekuća rezerva

Finansijskim planom za 2019. godinu planirana je tekuća rezerva u ukupnom iznosu od 4.000.000 KM. Ista je formirana na teret doprinosa za obavezno zdravstveno osiguranje u Federaciji BiH, a njeno trošenje je definisano u skladu sa Odlukom o načinu izvršavanja Finansijskog plana za 2019. godinu.

Odlukom Upravnog odbora Federalnog zavoda o preraspodjeli rashoda u okviru Finansijskog plana za 2019. godinu, br.02/IV-01-1-4105-19 od 26.11.2019. godine, iznos tekuće rezerve planiran po Finansijskom planu za 2019. godinu u ukupnom iznosu od 4 mil. KM preraspodijeljen je u iznosu od 2.170.000 KM u okviru programa Federalnog fonda solidarnosti, te je preostali iznos tekuće rezerve, nakon preraspodjele, planiran za 2019. godinu u iznosu od 1.830.000 KM.

4. KAPITALNI IZDACI

U skladu sa Planom javnih nabavki i Finansijskim planom za 2019. godinu planirana su kapitalna ulaganja u iznosu od 180.000 KM čiji izvori finansiranja su slijedeći:

- sredstva u iznosu od 156.812 KM planirana saglasno Odluci Upravnog odobora, br. 02/V-01-1-1570-1/19 od 23.04.2019. godine, i
- sredstva planirana na osnovu Odluke Upravnog odbora, br. 02/V-01-1-719-1/19 od 27.02.2019. godine kojom su neutrošena sredstva za kapitalne izdatke u 2018. godini u iznosu od 23.188 KM prenešena u 2019. godinu.

Za kapitalna ulaganja u 2019. godini utrošena su sredstva u iznosu od 19.365 KM. Struktura kapitalnih ulaganja je slijedeća:

- nabavka kompjuterske opreme u iznosu od 14.106 KM, i
- nabavka namještaja u iznosu od 5.259 KM.

5. OBAVEZNE REZERVE ZA ZDRAVSTVENU ZAŠTITU DETAŠIRANIH RADNIKA

U skladu sa Odlukom o utvrđivanju posebnog doprinosa za zdravstveno osiguranje zaposlenika na radu u inostranstvu ("Sl.novine Federacije BiH", broj 74/08) u rezerve za zdravstvenu zaštitu detaširanih radnika iz ukupnog iznosa naplaćenih sredstava od doprinosa za zdravstvenu zaštitu detaširanih radnika izdvojeno je 10% ili 124.784 KM, po odluci Upravnog odbora br. 01/II-01-1-316/20 od 29.01.2020. godine.

6. FINANSIJSKI REZULTAT

Federalni zavod osiguranja i reosiguranja u 2019. godini je iskazao višak rashoda nad prihodima u iznosu od 6.921.631 KM.

Odlukama Upravnog odbora Federalnog zavoda uvrštena su u Finansijski plan Federalnog zavoda za 2019. godinu dodatna sredstva iz ostvarenog viška prihoda nad rashodima iz ranijih perioda u ukupnom iznosu od 26.019.893 KM. Ovim sredstvima u iznosu od 6.921.631 KM pokriven je iskazani višak rashoda nad prihodima po Godišnjem obračunu za 2019. godinu.

Neurošena sredstva viška prihoda nad rashodima iz ranijih perioda, nakon pokriva iskazanog viška rashoda nad prihodima po Godišnjem obračunu za 2019. godinu, iznose 19.098.262 KM. Ova sredstva će se kroz Rebalans finansijskog plana za 2020. godinu rasporediti na programe federalnog fonda solidarnosti na osnovu odluke Upravnog odbora Federalnog zavoda.

7. BROJ I STRUKTURA ZAPOSLENIH

Ukupan broj zaposlenih u Federalnom zavodu osiguranja i reosiguranja zaključno sa 31.12.2019. godine bio je 50, što je za četiri uposlenika više u istom periodu 2018. godine.

U toku 2019. godine došlo je do prijema 3 uposlenika VSS, od čega 2 VSS na neodređeno vrijeme, a jedan VSS na programu sufinansiranja, i do prijema jednog uposlenika SSS na određeno vrijeme.

U narednoj tabeli dat je pregled zaposlenih prema kvalifikacionoj strukturi.

Stručna sprema	Broj zaposlenih na dan 31.12.2018.g.	Broj zaposlenih na dan 31.12.2019.g.
VSS	25	28
VŠS	2	2
SSS	15	16
VKV	1	1
KV	3	3
Ukupno	46	50

8. ZAKLJUČNA RAZMATRANJA

U toku 2019. godine poslovanje Federalnog zavoda karakterišu slijedeće aktivnosti i dokumenti:

1. Upravni odbor Federalnog zavoda je blagovremeno, i u skladu sa Zakonom o budžetima u Federaciji BiH, usvojio Finasijski plan Federalnog zavoda za 2019. godinu.

U Finasijski plan za 2019. godinu, pored planiranih prihoda za 2019. godinu, uključena su, na osnovu Odluke Upravnog odbora, br.02/V-01-1-3573-2/18 od 11.10.2018. godine, i sredstva akumuliranog viška prihoda nad rashodima iz ranijih perioda u iznosu od 5.000.000 KM sa ciljem smanjenja listi čekanja za liječenje oboljelih od Hepatitisa B i C, za liječenje oboljelih od multiple skleroze, za liječenje oboljelih od upalnih bolesti debelog crijeva (Chronove bolesti i ulceroznog kolitisa), kao i smanjenja listi čekanja za program kardiologije i kardiohirurgije.

S obzirom da nije bilo izvjesno da li će Finasijski plan Federalnog zavoda za 2019. godinu biti usvojen do kraja 2018. godine od strane zakonodavnih organa, Upravni odbor Federalnog zavoda je na sjednici od 20.12.2018. godine donio Odluku o privremenom finansiranju Federalnog zavoda za period 01.01.-31.03.2019. godine.

Na Finasijski plan Federalnog zavoda za 2019. godinu, Parlament Federacije BiH dao je saglasnost („Sl.novine Federacije BiH“, br. 11/19 od 20.02.2019. godine).

U februaru 2019. godine donesena je, od strane Upravnog odbora, odluka o preraspodjeli rashoda u okviru Finasijskog plana Federalnog zavoda za 2019. godinu.

2. Na osnovu podataka o ostvarenju prihoda u prvom kvartalu 2019. godine, od čega najznačajnijeg rasta prihoda za obavezno zdravstveno osiguranje u Federaciji BiH, pristupilo se izradi Izmjena i dopuna Finasijskog plana za 2019. godinu (Rebalans).

Ovim dokumentom, pored tekućih prihoda planiranih za 2019. godinu, planirana su i sredstva po osnovu akumuliranog viška prihoda nad rashodima iz ranijih perioda u iznosu od 26.019.893 KM, a koja su se sastojala od:

- sredstava planiranih Finasijskim planom za 2019. godinu, po osnovu Odluke Upravnog odbora, br.02/V-01-1-3573-2/18 od 11.10.2018. godine, u ukupnom iznosu od 5 mil. KM sa ciljem smanjenja listi čekanja za liječenje oboljelih od Hepatitisa B i C, za liječenje oboljelih od multiple skleroze, za liječenje oboljelih od upalnih bolesti debelog crijeva (Chronove bolesti i ulceroznog kolitisa), kao i smanjenja listi čekanja za program kardiologije i kardiohirurgije
- neutrošenih sredstava u 2018. godini za liječenje metastatskog melanoma u iznosu od 762.893 KM, i neutrošenih sredstava za kapitalne izdatke u 2018. godini u iznosu od 23.188 KM koja su, na osnovu Odluke Upravnog odbora, br. 02/V-01-1-719-1/19 od 27.02.2019. godine, prenešena u 2019. godinu, i
- sredstava po osnovu akumuliranog viška prihoda nad rashodima u ranijim periodima u iznosu od 20.233.812 KM.

Na Izmjene i dopune Finasijskog plana Federalnog zavoda za 2019. godinu, Parlament Federacije BiH dao je saglasnost („Sl.novine Federacije BiH“, br. 54/19 od 31.07.2019. godine).

Upravni odbor Federalnog zavoda je u novembru 2019. godine, donio Odluku o preraspodjeli rashoda u okviru Finasijskog plana za 2019. godinu.

3. U toku 2019. godine Federalno ministarstvo zdravstva donijelo je određene propise koji se direktno tiču poslovanja Federalnog zavoda u 2019. godini, i to:

-Odluku o listi lijekova fonda solidarnosti Federacije BiH („Sl.novine Federacije BiH“, br.47/19),

-Odluku o izmjenama i dopunama odluke o listi lijekova fonda solidarnosti Federacije BiH („Sl.novine Federacije BiH“, br.90/19), i

-Pravilnik o dopuni Pravilnika o načinu ostvarivanja prava iz obaveznog zdravstvenog osiguranja („Sl.novine Federacije BiH, br.20/19).

4. Ukupni raspoloživi prihodi Federalnog zavoda u 2019. godini iznosili su 186.545.476 KM i veći su za 3% ili 5,2 mil. KM u odnosu na planirane za 2019. godinu, a u odnosu na ostvarene u 2018. godini veći su za 6% ili 10,85 mil. KM.

Procentualna struktura prihoda Federalnog zavoda ostvarenih u 2019. godini je slijedeća:

- Prihodi od doprinosa za obavezno zdravstveno osiguranje u Federaciji BiH ostvareni su u iznosu od 149.056.882 KM i veći su za 1% ili 2.056.882 KM u odnosu na planirane za 2019. godinu, a u odnosu na ostvarene u 2018. godini veći su za 7% ili 10,1 mil. KM.

Ovi prihodi su nastavili trend povećanja iz prethodnih godina. Prihodi od doprinosa za obavezno zdravstveno osiguranje u Federaciji BiH ostvareni u 2019. godini čine 79,90% ukupnih prihoda i ujedno su najznačajniji izvor prihoda budući da se na njihov teret, najvećim dijelom, vrši realizacija programa federalnog fonda solidarnosti.

- Prihodi iz Budžeta Federacije BiH koji se odnose na redovna sredstva transfera su drugi najvažniji izvor prihoda i čine 16,35% ukupnih prihoda. U toku 2019. godine iz Budžeta Federacije BiH doznačena su sredstva u visini planiranih za 2019. godinu.

Takođe, Finansijskim planom Federalnog zavoda za 2019. godinu planirana su, kao i Budžetom Federacije BiH za 2019. godinu odobrena sredstva na ime pokrića dijela gubitka Federalnog zavoda iz 2013. godine, u iznosu od 2.486.141 KM koja su doznačena u toku 2019. godini i raspoređena na pokriće dijela gubitka iz 2013. godine.

- Prihodi od doprinosa od ino osiguranika (paušali) ostvareni su u iznosu od 4.391.207 KM i veći su za 1,6 mil. KM u odnosu na planirane za 2019. godinu zbog uplate R Slovenije za ranije godine, izvršene u decembru 2019. godine, po osnovu Konvencija o socijalnom osiguranju a što se nije moglo predvidjeti prilikom izrade Finansijskog plana za 2019. godinu. Ovi prihodi čine 2,35% ukupnih prihoda.
- Prihodi od dodatnog doprinosa za detaširane radnike čine 0,29% ukupnih prihoda.
- Prihodi ostvareni po osnovu donacija lijekova od strane dobavljača-isporučioaca lijekova iskazani su u iznosu od 765.365 KM i čine 0,41% ukupnih prihoda, a isti se nisu mogli planirati prilikom izrade Finansijskog plana za 2019. godinu.
- Ostali prihodi ostvareni su u iznosu od 1.281.802 KM i čine 0,69% ukupnih prihoda, a isti se nisu mogli planirati prilikom izrade Finansijskog plana za 2019. godinu.

5. Ukupni rashodi Federalnog zavoda u 2019. godini iznosili su 193.467.107 KM i manji su za 6% ili 11,85 mil. KM u odnosu na planirane za 2019. godinu, a u odnosu na izvršene u 2018. godini veći su za 22% ili 35,1 mil. KM.

Procentualna struktura rashoda Federalnog zavoda izvršenih u 2019. godini je slijedeća:

- Rashodi federalnog fonda solidarnosti čine 97,86% ukupnih rashoda Federalnog zavoda u okviru kojeg:
 - rashodi za zdravstvene usluge (u Federaciji BiH, troškovi zdravstvene zaštite detaširanih radnika i Program liječenja u inostranstvu) manji su za 8% ili 7,2 mil. KM u odnosu na planirane za 2019. godinu, dok su u odnosu na izvršene za 2018. godinu veći za 22% ili 15,9 mil. KM,
 - troškovi lijekova su manji za 4% ili 3,2 mil. KM u odnosu na planirane za 2019. godinu,
 - troškovi medicinskog materijala manji su za 4% ili 621.948 KM od planiranih za 2019. godinu, a u odnosu na izvršene za 2018. godinu veći su za 7% ili 1.070.541 KM,
 - troškovi liječenja u inostranstvu manji su za 13% ili 2,38 mil. KM u odnosu na planirane za 2019. godinu, a u odnosu na izvršene za 2018. godinu veći su za 12% ili 1,59 mil. KM,
- Rashodi detaširanih radnika iskazani su u iznosu od 512.785 KM i čine 0,27% ukupnih rashoda,
- Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja je za 33% ili 225.363 KM manje u odnosu na planirane za 2019. godinu, i čine 0,40% ukupnih rashoda
- Ostalih rashodi federalnog fonda solidarnosti i rashodi Stručne službe izvršeni su u iznosu od 2.845.461 KM i manji su za 324.539 KM u odnosu na planirane za 2019. godinu, a u odnosu na izvršene u 2018. godini veći su za 173.593 KM i čine 1,47% ukupnih rashoda.

Federalni zavod osiguranja i reosiguranja je po Godišnjem obračunu za 2019. godinu iskazao višak rashoda nad prihodima u iznosu od 6.921.631 KM.

Odlukama Upravnog odbora Federalnog zavoda uvrštena su, u Finansijski plan Federalnog zavoda za 2019. godinu, dodatna sredstva iz ostvarenog viška prihoda nad rashodima iz ranijih perioda u ukupnom iznosu od 26.019.893 KM, a koja su ostala neutrošena iz razloga neblagovremenog usvajanja Rebalansa Finansijskog plana za 2018. godinu od strane Parlamenta Federacije BiH. Ovim sredstvima u iznosu od 6.921.631 KM pokriven je iskazani višak rashoda nad prihodima po Godišnjem obračunu za 2019. godinu.

Neutrošena sredstva viška prihoda nad rashodima iz ranijih perioda, nakon pokrića iskazanog viška rashoda nad prihodima po Godišnjem obračunu za 2019. godinu, iznose 19.098.262 KM. Ova sredstva će se kroz Rebalans finansijskog plana za 2020. godinu rasporediti na programe federalnog fonda solidarnosti na osnovu odluke Upravnog odbora Federalnog zavoda.